



## Dib u Eegista Qabyo Qoraalka Qorshaha Aagga Skyway-West Hill Hagaha Akhristaha

Xubinta qaaliga ah ee ka tirsan bulshada Skyway-West Hill,

Waad ku mahadsan tahay maadaama aad dib u eegis ku samaysay Qabyo qoraalka Dib u eegista Dadwaynaha 2021 ee [Qorshah Xaafad Hoosaadka Skyway-West Hill](#) iyo [Wax ka bedelka Isticmaalka Dhulka iyo Khariidadaha Xaduudeynta](#). Qorshaha Xaafad Hoosaadka waxa uu muujinayaa aragtida bulshada ay ka qabaan mustaqbalka wuxuuna dejinayaa siyaasadaha lagu hagi doona go'aamada saamayn doona xaafadaada sanadaha soo socda.

Hagahan loogu talgalay akhristaha waa guudmarka qabyo qoraalka qorshaha xaafad hoosaadka iyo wax ka beddelka khariidadaha, waxaana ku xiga qaamuuska ereyada muhiimka ah ee lagu isticmaalo qorshaha xaafad hoosaadka.

Muddada faallo-bixinta waxay soconaysaa **ilaa Axadda, Disembar 19**. Taariikhdaas kadib, Degmada King waxay isticmaali doontaa wixii ay ka maqashay dadweynaha si ay u cusboonaysiiso qorshaha iyo wax ka beddelka khariidadaha. Guddiga Fulinta ee Degmada King ayaa qorshaha dib u eegista lagu sameeyey iyo wax ka bedelka la soo jeediyey u diri doona Golaha Degmada King horaanta sanadka 2022.

Waxaa jira dhowr siyaabood oo aad ku wadaagi karto fikradahaaga ku saabsan qorshaha:

1. **Bogga websaydhka:** [www.publicinput.com/Skyway](http://www.publicinput.com/Skyway) (wuxuu bixiyaa macluumaad wuxuuna aqbalaa faallooyin luqado badan ah)
2. **Iimaylka:** [SubareaPlanning@kingcounty.gov](mailto:SubareaPlanning@kingcounty.gov). Fadlan xaqiiji in cinwaanka iimaylka ay ku jirto "Skyway."
3. **Boostada Mareykanka:** Kevin LeClair, Qeybta Aqbalaada ee King County, 35030 SE Douglas Street Suite 210, Snoqualmie WA 98065-9266
4. **Fariin codeed:** 206-263-3000

Waad ku mahadsan tahay ka qayb qaadashada geedi-socodkaan muhiimka ah.

To request this information in another format or language, call 206-477-3800 or email [asklocalservices@kingcounty.gov](mailto:asklocalservices@kingcounty.gov).

Para solicitar esta información en Español, llamar al 206-477-3800 o envíe un mensaje de correo electrónico a [asklocalservices@kingcounty.gov](mailto:asklocalservices@kingcounty.gov).

Si aad u weyddiisato inaad ku hesho macluumaadkan Af-Soomaali, fadlan wac 206-206-477-3800 ama iimayl u dir [asklocalservices@kingcounty.gov](mailto:asklocalservices@kingcounty.gov).

Để có các thông tin này bằng tiếng Việt, xin gọi số 206-477-3800 hoặc gửi điện thư đến [asklocalservices@kingcounty.gov](mailto:asklocalservices@kingcounty.gov).

## Hordhac

Qabyo-qoraalka Dib-u-eegista Dadweynaha ee Qorshaha Xaafad Hoosaadka Skyway-West Hill wuxuu ku bilaabmayaa horudhac sharaxaya sababta degmada King County ay u qorshaynayso mustaqbalka Skyway-West Hill, wuxuu qorshaha ku sharraxaa doorka dhexe ee sinnaanta iyo caddaaladda bulshada, wuxuuna qeexayaa in " hadafka kama dambayska ah ee Qorshaha Xaafad Hoosaadka Skyway-West Hill uu yahay in la sameeyo horumar dhab ah, oo loo siman yahay oo lagu sameeynayo tayada nololsha qof kasta oo ku nool, ka shaqeeya, oo ku ciyaara Skyway-West Hill. "

Hordhaca wuxuu qeexayaa taariikhda qorshaynta ee aaggan. Waxa ku jira sharraxaad kooban ee hannaanka Liiska Baahiyaha Bulshada ee bilaabmay 2020 – oo ah hannaan la xiriira, laakiin ka duwan, Qorshaha Xaafad Hoosaadka.

Cutubyada Qorshaha Xaafad Hoosaadka (marka laga reebo Hordhaca, Hadafka iyo Mabaadi'da Hagaya, iyo Sharaxaada Bulshada), waxaa loo habeeyey sida soo socota:

- Asalka iyo macnaha guud
- Mudnaanta iyo baahiyaha bulshada
- Siyaasadaha

## Cutubka 1aad: Hadafyada iyo Mabaadi'da Hagaya

Hadafka iyo mabaadi'da hagaya bulshada waxaa lagu saleeyey talooyinka bulshada ee lagu daray Qorshaha Waxqabadka Skyway-West Hill ee 2015, Istaraatiijiyada Isticmaalka Dhulka ee Skyway-West Hill e2020, iyo codsiyada bushada ee la helay kuwaas oo qayb ka ah geedi-socodka Degmada King ee lagu horumarinayo Liiska Baahiyaha Bulshada.

### Oraahda Hadafka Bulshada

*Skyway-West Hill way kobci doontaa waxayna noqon doontaa xaafad firfircoon, lagu dhex socon karo halkaas oo guryaheeda yihiin kuwo qiimahooda la awoodi karo, iyo meel ganacsiyadeeda deegaanka, ganacsiyada bulshada ay kobcayaan. Skyway-West Hill waxay noqon doontaa xaafad qoomiyad kala duwan iyo bulsho firfircoon leh halkaas oo codka, xikmadda, iyo khibrada wadajirka ah ee dadka deggan iyo mulkiilayaasha ganacsiyada ay muhiim u yihiin go'aan qaadashada joogtada ah ee hormarka xaafada.*

Cutubkani waxa uu bixinayaa sharraxaad kooban oo ku saabsan sida degmada King County iyo bulshadu ay dhawrkii sano ee la soo dhaafay uga wada shaqaynayaan qorshaha xaafad hoosaadka iyo dadaallada kale ee qorshaynta ah.

Ka-qaybgalinta bulshada ee qorshaha xaafad hoosaadka waxay u dhacday laba qaybood. Qaybta koowaad, intii u dhaxaysa 2018 iyo 2020, waxaa inta badan diirada lagu saaray isticmaalka dhulka waxayna midaas u horseedday qaadashada Istaraatiijiyada Istimalka Dhulka ee Skyway-West Hill. Qaybtii labaad oo ahayd bartamihii 2020 ilaa hadda, waxaan dib u eegis ku samaynay qaar ka mid ah arrimihii ka soo baxay wejigii hore, laakiin waxaan sidoo kale ka wada hadalnay arrimaha kale ee mudnaanta leh iyo baahiyaha bulshada.

### Cutubka 2aad: Sharaxaada Bulshada

Cutubkani waxa uu sharaxayaa juquraafiga, dadka, iyo tirakoobka Skyway-West Hill, iyo sidoo kale qaar ka mid ah hay'adaha dawladda iyo adeegyada gaarka ah ee degmooyinka ee ka jira halkaas.

Wuxuu sahaminayaa qaar ka mid ah tirakoobyada, sida xaqiiqda ah in Skyway-West Hill ay leedahay saamiga ugu sarreeya (28%) ee dadka Madowga iyo Afrikaan Ameerikaanka ah ee deggan xaafad kasta oo Washington ah. Waxaa sidoo kale ku badan luqadaha lagaga hadlo guryaheeda. Luqadaha ugu sarreeya ee aan Ingiriisiga ahayn ee maanta halkaas lagaga hadlo waa Fiyatnaamiis, Tagalog, Isbaanish, Shiinees, iyo Af-Ruush.

Cutubka wuxuu markaa qeexayaa siyaabaha kala duwan ee dhulka loogu isticmaalo xaafadda. Tusaale ahaan: bannaan, degaan hal qoys ah; deegaan Qoysas badan ah; iyo goobaha ganacsiga.

Cutubka wuxuu iftiiminayaa dhawr hay'adood oo aan dawli ahayn oo bixiya adeegyada bulshada, kadibna wuxuu sharaxayaa hay'adaha dawladda ee bixiya adeegyada iyo barnaamijyada, sida Hay'adda Degmada ee Bulaacadda iyo Biyaha ee Skyway, Hay'adda Adeegyada Dadweynaha ee Seattle, Hay'adda Dabka ee Degmada #20, Magaalada Renton iyo Maamulka Iskuulada ee Degmada Renton.

Cutubka wuxuu si kooban uga hadlayaa ku darsasho, oo ay la socdaan taariikhda ku saabsan codbixintii 2012 kaas oo 56% ay u codaysay inaanay ka mid noqon Renton.

Ugu dambayn, cutubka wuxuu ku dhammaanayaa dulmar ku saabsan sida Skyway-West Hill ugu habboon tahay qorshayaasha gobolka ee koritaanka mustaqbalka ah.

### Cutubka 3aad: Istimalka Dhulka

Cutubkani waxa uu sharxayaa sida qorshaha xaafad hoosaadka uu ula xiriiro [Qorshaha Guud ee Degmada King](#), wuxuuna sharaxayaa sida qoondoynta isticmaalka dhulka ee Qorshaha Guud ay

u muujinayaan isticmaalka wakhtiga dheer ee qorshaysan xaafad hoosaadka. Kala soocida aagagga ayaa sidoo kale nidaamiya sida guri gaar ah loo isticmaali karo iyo sidoo kale sharciyada horumarinta/dhismooyinka ee khuseeya guriga.

Laga soo bilaabo 2021, inta badan (66%) Skyway-West Hill waxay leeyihiin qoondaynta isticmaalka dhulka oo ah "dhul dhexdhexaad ah oo magaalo la degi karo ah," kaas oo u oggolaanaya in u dhaxaysa 4 iyo 12 guryo oo degaan ah halkii ekar ah. Qoondaynta isticmaalka dhulka ee xiga ee ugu caansan (9%) waa "dhul sareeya oo noqon kara magaalo la degi karo," kaas oo u oggolaanaya in u dhaxaysa 18-48 guryo oo degaan ah halkii ekar ah.

In ka badan 2% ee dhulka Skyway-West Hill waxaa loo qoondeeyay inuu yahay "xarumo ganacsi oo bulsho," taasoo u oggolaanaysa kala soocida xuduudaynta ee NB (Ganacsiga Xaafadaha), CB (Ganacsiga Bulshada), iyo O (Xafiisyo). Aaggan waxaa lagu magacaabaa Degmada Ganacsiga ee Skyway, ku dhawaadna gebi ahaanba waa goob ganacsi, laakiin aagga wuxuu oggolaanayaa dhismooyinka isticmaalka isku dhafan ah (dhismayaal leh goobo ganacsi iyo goobo degaan ah labadaba).

Halkaan waxaa ku qoran qaar ka mid ah mudnaanta isticmaalka dhulka oo ay xubnaha bulshadu noo sheegeen:

- Dhismooyinka cusub waa in loo sameeyaa si xushmad u leh bulshada waana in lagu saleeyo talooyinka iyo fikradaha macnaha leh ee bulshada.
- Degmada King County waa in ay xaqiijisaa in dhismooyinka cusub ay nolosha dadka deegaanka ay ku keenayaan shaqooyin cusub, adeegyo iyo taashiilaad cusub, waana inaysan si toos ah u barakicin iyaga iyo deriskooda, ama aysan "dhaqaale ahaan u barakicin" xaafadda qaab ka dhigaya in ay lumiyaan dareenka bulsho ee xooggan ee ay hadda ku sugan yihiin.
- Dadka deegaanka iyo ganacsiyadu waxay taageeraan maalgashi dheeraad ah iyo dib u soo noolaynta xarunta ganacsiga ee xaafadda haddii loo sameeyo qaabab lagu ilaalinayo laguna taageerayo ganacsiga yaryar ee maxaliga ah; kor u qaadaya muuqaalka guud ee xaafadda iyadoo la isticmaalayo nakhshado fikir ku dheexan oo ah waddooyinka laamiyada, goobaha dukaamada, iyo meelaha la wadaago; isla markaana xaqiijinaya in tasiilaadka iyo adeegyada loo heli karo dadka hadda degan iyo kuwa mustaqbalkaba.

Cutubka isticmaalka dhulka wuxuu ku dhammaanayaa liis gareynta 18 siyaasadood oo la soo jeediyay kuwaas oo la isugu keenay cinwaannada Icticmaalka Dhulka, Adeegyada Deegaanka, Ganacsiga, Warshadaha, iyo Bulshada. Siyaasadaha ku jira cutubkan, marka lagu daro siyaasadaha ku jira cutubyada kale, waxaa loo dejiyay si loogu yareeyo khatarta barakaca, si loogu taageero kordhinta xulashooyinka kala duwan ee guriyeynta, si loogu taageero goobaha ganacsiga ee hadda jira, iyo in la bixiyo adeegyada ay xubnaha bulshadu u baahan yihiin.

### Cutubka 4aad: Adeegyada Guriyeynta iyo Aadanaha

Cutubka adeegyada guryaha iyo aadanaha waxa uu qeexayaa saamaynta qotada-dheer ee go'aamada qorshayntu ku leeyihiin xoogga xaafadaha la deggan yahay iyo awoodda ay u leeyihiin in ay taageeraan bulshooyinka iyo jiilalka kala duwan. Wuxuu qeexayaa tirada guud ee guryaha, iyo isku dhafka guryaha halka qoys loogu talagalay, abaartamentiyada, iyo guryaha la warshadeeyay.

Cutubka wuxuu markaa ka hadlayaa kor u kaca qiimaha guryaha xaafadda iyo culayska ay arrintaasi saaraywo dadka hadda deggan.

Halkaan waxaa ku qoran qaar ka mid ah mudnaanta guryaha oo ay xubnaha bulshadu noo sheegeen:

- Horumarka loo siman yahay waa in uu ahaado wax diiradda la saarayo ee ugu muhiimsan. Waxaana ka mid ah ka hortagga barakaca ee dadka hadda deggan iyo abuurista guryo badan oo ay awoodi karaan xubnaha bulshada.
- Dad badan oo xaafada degan ayaa aaminsan in guryaha qiimahooda la awoodi karo ee aagga ku yaala ay yihiin raasulmaalkooda. Waxay gacan ka geystaan ilaalinta iyo abuurista guryo qiimahooda la awoodi karo.
- Waxay abuuraan ka-hortagga barakaca deegaanka. Waxaana ka mid noqon kara barnaamijyo ama shuruudo sharciyeed oo tixgeliya ilaalinta guryaha qiimahooda “dabiici ahaan la awoodi karo” ee hadda jira iyo/ama bixinta guryo cusub oo la kabi karo, iyo ilaalinta bulshada deegaanka.

Cutubkani waxa uu liis gareeynaya shan siyaasadood oo la soo jeediyay oo la xiriira guryaha kuwaas oo taageera ilaalinta iyo kordhinta guryaha iyo wax ka qabashada barakaca. Noocyo kala duwan oo guryo ah, oo ay ku jiraan kuwa qiimahooda ay awoodi karaan xubnaha bulshada, ayaa la dhisi karaa iyada oo la ilaalinayo guryaha hadda jira iyo dhisida guryo cusub.

Waxaana ku xiga dood ku saabsan sida Qorshaha Guud ee Degmada King County uu u kala hormarinayo bixinta adeegyada aadanaha si loo abuurto bulsho waarta laguna taageero cadaaladda deegaanka. Adeegyadaas waxaa ka mid ah daryeelka caafimaadka, nidaamka cuntada, waxbarashada carruurnimada, iyo shabakadda adeegyada bulshada.

Halkaan waxaa yaala qaar ka mid ah waxyaabaha mudnaanta leh xagga caafimaadka iyo adeegyada aadanaha ah kuwaas oo xubnaha bulshadu noo sheegeen:

- Dhaliyarada aagga in lagu taageero madadaalada, waxbarashada, iyo barnaamijyada shaqada.
- In la bixiyo adeegyo bulsho iyo caafimaad oo badan oo xaafadda si fudud looga heli karo, oo ay ku jiraan adeegyada caafimaadka maskaxda iyo adeegyada gaarka ah ee

loogu talagalay dadka waayeelka ah iyo dadka naafada ah, kuwaas oo la kulma caqabadaha ugu badan ee helitaanka gaadiidka.

- Wanaajinta helitaanka xulashooyinka cuntada caafimaadka leh iyada oo la abuurayo suuqa beeralayda caadiga ah ee Degmada Ganacsiga ee Skyway iyo gacan ka geysashad kordhinta makhaayadaha ee bixiya noocyo kala duwan oo cuntooyin ah kuwaas oo ku habboon dhaqamada iyo dhadhanka dadka deegaanka ah.

Cutubka wuxuu ku dhamaanayaa laba siyaasadood oo la soo jeediyay oo la xiriira adeegyada caafimaadka iyo aadanaha oo loogu talagalay in lagu taageero natiijooyinka caafimaadka wanaagsan iyo adeegyada taageerada.

### **Cutubka 5aad: Jardiinooyinka, Meelaha Bannaan, iyo Khayraad Dhaqameedka**

Cutubkani waxa uu ku bilaabmayaa sharraxaadda sida jardiinooyinka iyo meelaha bannaan loogu maareeyo degmada King County iyo sharraxaadda nidaamka jardiinooyinka iyo meelaha bannaan ee degmada King County.

Skyway-West Hill waxay leedahay ilaa 27 ekaris oo beero dadwayne ah oo ku yaala gudaha xuduudaheeda. Dhulkaas, 23 ekaris ayaa loo sameeyey sidii jardiinooyinka Skyway Park ahaan, taas oo ku fadhida dhulka ka dambeeya Degmada Ganacsiga ee Skyway. Afarta ekaris kale waa dhul bannaan oo aan waxba lagu samayn oo loo yaqaan Bryn Mawr Park.

Cutubkani waxa uu sharaxayaa qaar ka mid ah dadaaladii qorshaynta ee dhawaan la sameeyey kuwaas oo la doonayay in lagu dejiyo hadafka Skyway Park laguna xaqiijiyo gaaritaanka yoolka bulshada oo ah abuuritaanka xarun bulsho.

Cutubku wuxuu markaa kadib qeexayaa dariiqyada isticmaalka badan ee gobolka (baaskiilka iyo lugaynta loo isticmaalo) ee ku hareeraysan bulshada Skyway-West Hill.

Bishii Febraayo 2021, Degmada King County waxay daabacday Qorsheheeda Kaymaha ee 30-ka Sano ah, qorshahaas oo ay ku jireen falanqaynta geedaha dhaadheer ee kaynta Skyway-West Hill. Waxaa lagu ogaaday in geedaha dhaadheer iyo kaynta ay daboolaan ilaa 511 ekaris oo xaafadda ah - qiyaastii 28% ee aagga. Dhulka ay ku fadhiso keynta Skyway-West Hill waxay la mid tahay kuwa Seattle iyo Kent.

Halkaan waxaa yaala qaar ka mid ah jardiinooyinka iyo meelaha bannaan ee mudnaanta u leh bulshada kuwaas oo xubnaha bulshadu noo sheegeen:

- Wanaajinta tashiilaadka madadaalada, gelitaanka, iyo baarkinka Skyway Park.

- Helitaanka jardiinooyin dheeraad ah iyo dhulo bannaan oo xaafadda oo dhan ah, si dad badan ay marin ugu helaan tashiilaadka dabiiciga ah madaddaaladana leh ee u dhow guryahooda.
- Helitaanka iyo dhisida Xarunta Bulshada Skyway-West Hill.

Cutubka wuxuu liis gareynayaa toddobo siyaasadood oo la soo jeediyay oo loogu talagalay in lagu taageero fursadaha madadaalada iyo dhaqanka ee kordhay iyo in lagu hormariyo caafimaadka aadanaha iyo xaaladaha deegaanka.

### Cutubka 6aad: Gaadiidka

Cutubkani waxa uu qeexayaa sida shabakadda gaadiidku ay saamayn ugu leedahay tayada nolosha dadka iyo dhaqaalaha. Waxa uu sharxayaa qaar ka mid ah caqabadaha kaabayaasha gaadiidka ee wajahaya magaalooyinka degmada King ee aan la wadaagin, wuxuuna xusayaa in Skyway-West Hill ay u baahan tahay maalgashi dheeraad ah oo xagga nidaamka gaadiidka ah.

Cutubka waxa uu sharaxayaa adeegyada iyo tas-hiilaadka ay maamulaan Qaybta Adeegyada Wadooyinka Degmada King County, oo uu ku jiro sharaxaad gaaban oo ku saabsan mashaariicda aan la maalgalin ee lagu aqoonsaday [Warbixinta Baahiyaha Gaadiidka](#) ee degmada.

Martin Luther King Jr. Way S, oo sidoo kale loo yaqaan State Route 900, waa meesha la rabo in laga fuliyo mashruuca 2021 ee Waaxda Gaadiidka Gobolka Washington. Hadafka mashruucu waa in la qiimeeyo marinka oo la weydiiyo bulshada meesha degan fikradahooda ku saabsan siyaabaha looga dhigi karo mid ammaan badan, shaqeyn badan, isla markaana soo jiidasho badan leh.

Cutubku wuxuu sharxayaa adeegyada iyo barnaamijyada ay bixiso Metro Transit ee Degmada King County. Adeegyadaas waxaa ka mid ah adeegga baska "jidka go'an" ee caadiga ah iyo adeegga u dhigma ee Access paratransit ee Skyway-West Hill, iyo sidoo kale dhowr barnaamij oo la xoojiyay dhowaan.

Halkaan waxaa ku qoran qaar ka mid ah mudnaanta gaadiidka oo ay xubnaha bulshadu noo sheegeen:

- Baahida loo qabo waddooyin badan oo la wanaajiyey, jidadka baaskiilka, iyo wadooyinka isku xira gobollada kuwaas oo bixin kara goobo ammaan ah, caafimaadna leh oo lagu madadaali karo iyo sidoo kale xulashooyin gadiid oo dheeraad ah oo lagu tago meelaha u dhow.
- Baahida loo qabo nalal badan oo lagu dhejiyo meelaha la dego si ay u iftiimiyaan wadooyinka ay maraan mootooyinka iyo dadka lugaynaya.



- Baahida loo qabo adeega baska ee dheeraadka ah, gaar ahaan wadooyinka ku xirma aagagga la dego ee ku teedsan Martin Luther King Jr. Way S iyo Degmada Ganacsiga ee Skyway.

Cutubka waxa uu liis gareynayaa afar siyaasadood oo la soo jeediyay oo loogu talagalay in lagu taageero kobcinta gaadiidka dhow iyo jawi ammaan leh oo dhiirigelinaya socodka, isticmaalka gaadiidka, iyo baaskiilka.

### **Cutubka 7aad: Adeegyada iyo Tashiilaadka**

Bulsho magaaleed kasta si ay u horumarto, waa in si ku filan loogu taageero adeegyo iyo taashiilaad kala duwan oo loogu talagalay magaalada. Adeegyadaas waxaa ka mid ah biyaha iyo bulaacadaha, maaraynta biyaha roobka, ururinta iyo asturidda qashinka adag, iyo ka hortagga dabka. Skyway-West Hill waxaa u adeega dhowr degmo iyo ururo oo bixiya tashiilaad gaar ah iyo adeegyadan muhiimka ah. Cutubkani waxa uu si gaar ah diiradda u saarayaa baahiyaha adeegga biyaha iyo bulaacadaha.

Halkaan waxaa ku qoran qaar ka mid ah mudnaanta adeegyada guryaha oo ay xubnaha bulshadu noo sheegeen:

- Dhismooyinka cusub waa in si wanaagsan loo qorsheeyaa, loona yeelaa agabyada iyo adeegyada labadaba ku filan dhismada cusub, awoodna u leh kobac mustaqbalka ah.
- Xaqiijinta in dhismooyinka cusub ee Skyway-West Hill loo qorsheeyo in lagu daro isku-xiro cusub oo biyaha iyo bulaacadaha ah ee milkiilayaasha guryaha gaarka loo leeyahay ah kuwaas oo ku tiirsan nidaam duugoobey, oo fashilmaya.
- Xaqiijinta in baabuurta qashinka qaada iyo qashin daadinta sharci darrada ah meesha laga saaro oo si degdeg ah loo nadiifiyo si loo muujiyo hanka bulshada loona ilaaliyo caafimaadka iyo badbaadada dadka deegaanka ah.

Cutubka wuxuu liis gareynayaa saddex siyaasadood oo la soo jeediyay oo loogu talagalay in lagu wajaho baahida loo qabo adeegyada iyo taashiilaadka oo si fiican loo qorsheeyo.

### **Cutubka 8aad: Horumarinta Dhaqaalaha**

Cutubkani waxa uu diiradda saarayaa gacan ka geysashada kordhinta fursadaha dhaqaale ee dadka deegaanka ah, horumarinta deegaanka si loogu samaysto ganacsiyada yaryar ee maxaliga ah, iyo hoos u dhaca barakaca. Waxa ku jira guudmarka shaqooyinka hadda jira iyo sawirka jiritaanka shaqooyinka ee Skyway-West Hill.

Halkaan waxaa ku qoran qaar ka mid ah mudnaanta hormarinada dhaqaalaha oo ay xubnaha bulshadu noo sheegeen:

- Inta badan dadka degan Skyway-West Hill waxay rabaan inay arkaan dhismooyin cusub oo ka socda degmooyinka ganacsiga Skyway.
- Badankood waxay xiisaynayaan in la taageero dukaamada yaryar, kuwa maxaliga ah, iyo dukaamada madaxabanaan ee ku yaala xaafadaha ganacsiga.
- In la bixiyo ka-qaybgal bulsho oo badan oo xagga go'aamada horumarinta dhaqaalaha ah kuwaas oo saameeya degaanka.
- Shirkadaha ganacsiga iyo ganacsatadu waa in ay wadaagaan kala duwanaanshaha jinsiyadda iyo qowmiyaddaha Skyway-West Hill.

Cutubka wuxuu liis gareynayaa laba siyaasadood oo la soo jeediyay oo loogu talagalay in lagu taageero dhaqaalaha iyo baahiyaha kale ee horumarinta bulshada.

## Lifaaqyada

Qabyo-qoraalka Dib-u-eegista Dadweynaha ee Qorshaha Bulshada ee Xaafad Hoosaadka Skyway-West Hill wuxuu leeyahay afar lifaaqyo. Lifaaqa A waa khariirado iyo jaantusyo la soo aruuriyey kuwaas oo loo isticmaalay in lagu sameeyo qorshaha xaafad hoosaadka. Lifaaqa B waxa uu soo jeedinayaa qorshe lagula soconayo fulinta iyo waxqabadka qorshaha xaafad hoosaadka. Waxaana ku jira shan hab-beeg oo hawl-qabad ku salaysan kuwaas oo lala socon/la kormeeri karo muddo kadib, iyo shan cabiro oo faahfaahsan isla markaana tayaysan oo loogu talagalay fulinta qorshaha Skyway-West Hill, kuwaas oo ka warramaya sheekada ah sida bulshadu ay u fulinayso hadafkeeda. Lifaaqa C waa dib-u-eegista saameynta waxaana loogu talagalay in lagu dulmaro sida qorshaha xaafad hoosaadka loo sameeyay iyo sida ay u saameyn karto dadka deggan Skyway-West Hill. Lifaaqa D waa dulmarka ka qaybgalka bulshada ee ay samaysay degmada King County intii aanu samaynaynay qorshaha xaafad hoosaadka.

## Isticmaalka Dhulka iyo Waxka bedelka Khariidadda Xuduudeynta

When the Skyway-West Hill Subarea Plan is sent to the King County Council, it will be accompanied by a set of recommended [Land Use and Zoning Map Amendments](#). Kuwani waa:

### **Waxka bedelka Khariidadda ee 1aad: Degmada Ganacsiga ee Skyway - Qoondada Xarunta Hawlaha ee Aan Lala wadaagin Skyway**

Wax-ka-beddelkani waxa uu leeyahay laba qaybood. Qaybta hore waxay sheegaysaa dhisitaanka **Xarun Hawleed Cusub oo aan La wadaagin** oo lagu dhisayo xudunta dhaqaalaha ee

Skyway-West Hill, halkaas oo maalgashiga iyo horumarinta ugu badan ay tahay in lagu jiheeyo. Aaggan waxaa ka jira adeegyo gaadiid oo soo noqnoqda, kaas oo taageeri doona ganacsi badan iyo dhismooyin guri oo badan. Waxaa arrintaan lagu gaarayaa iyada oo isticmaalka dhulka laga bedelayo **Xarunta Ganacsiga Bulshada, Aagga Magaalada ee Deganaanshihiisu Sareeyo**, iyo **Aagga Magaalada ee Deganaanshihiisu Dhexdhexaad Yahay** loona beddelayo **Xarunta Waxqabadka Aan La wadaagin** ee aaggaga ku yaala Degmada Ganacsiga ee Skyway, aaggaga deganaanshihiisu sareeyo iyo kuwa dhexdhexaadka ah ee agagaarka, iyo hareeraha Skyway Park ah.

Qaybta labaad ee Wax ka beddelka Khariidadda 1aad waxa ay soo jeedinaysaa in aagagga 113 loo bedelo sida soo socota:

5. 2 aag, xuduudeynta ka bedel **R-24-P** (Degaanka Magaalada ah, 24-guri halkii ekerba oo leh Shuruuda Dhismaha ee P-suffix) una bedel **CB-P-SO** (Ganacsiga Bulshada oo leh Shuruuda Dhismaha ee P-suffix iyo Xeerka Degmada ee Gaarka ah); oo ku dabaq [Xeerka Degmada ee Gaarka ah SO-050](#).
6. 1 aag, xuduudeynta ka bedel **R-6** (Degaanka Magaalada ah, 6-guri halkii ekerba) una bedel **CB-P-SO** (Ganacsiga Bulshada oo leh Shuruuda Dhismaha ee P-suffix iyo Xeerka Degmada ee Gaarka ah); oo ku dabaq [Xeerka Degmada ee Gaarka ah SO-050](#) iyo P-suffix [Shuruuda Dhismaha WH-P11](#).
7. 2 aag, xuduudeynta ka bedel **R-6** (Degaanka Magaalada ah, 6-guri halkii) una bedel **R-12** (Degaanka Magaalada ah, 12 guri halkii ekerba)
8. 19 aag, xuduudeynta ka bedel **R-6-P** (Degaanka Magaalada ah, 6-guri halkii ekerba) una bedel **R-12** (Degaanka Magaalada ah, 12 guri halkii ekerba iyo ka saarista P-suffix [Shuruuda Dhismaha WH-P05](#)).
9. 3 aag, ka saarista P-suffix [shuruuda dhismaha WH-P05](#).
10. 22 aag, xuduudeynta ka bedel **R-6** (Degaanka Magaalada ah, 6 guri halkii ekerba) una bedel **NB-SO** (Ganacsiga Xaafadaha); oo ku dar Xeerla Degmada ee Gaarka u ah Micro-Enterprise cusub kaas oo loogu talagalay in lagu hormariyo fursadaha ganacsi ee yaryar isla markaana bixinaya ganacsiyada tafaariiqda iyo adeegga isticmaalka oo diiradda lagu saarayo dadka lugeynaya. Wax ka beddelkaani wuxuu goobta u ogolaanayaa isticmaal-ganacsi oo xaddidan wuxuuna oggolaanaya deegaan dadkeedu badan tahay sida hadda la oggol yahay ah. Isbeddelladani waxay bixinayaan isku xir ganacsi oo u dhexeeya labada dhammaad ee Degmada Ganacsiga ee Skyway iyo kordhinta xulashooyinka guryaha ee Xarun Hawleedka Aan La Wadaagnayn. Qoraalka dhamaystiran ee Xeerka Degmada ee Gaarka u ah Micro-Enterprise waxaa laga heli karaa dhamaadka [Wax ka bedelka Icticmaalka Dhulka iyo Khariidadaha Xuduudeynta](#).

**Waxka bedelka Khariidadda ee 2aad: Renton Ave South – Ka saarida Shuruudaha Guriyeynta Qiimahooda La awoodi karo**

Wax ka beddelkan waxa uu P-suffix [Shuruuda Dhismaha ee WH-P05](#) ka saarayaa 33 aag Shuruudaan dhismo waxay u baahan tahay 20% guryaha lagu dhisay horumar cusub in loogu talagalay qoysaska shaqeysta dakhliga u qalma ee ah 60% ama in ka yar oo Dakhliga Dhexdhexaadka ah ee Deegaanka Degmada King County. Aaggagan ayaa wali u qalmi doonaan barnaamijyada dhiirigelinta guryaha qiimahooda la awoodi karo sida ku qoran Xeerka Degmada King County.

**Waxka bedelka Khariidadda ee 3aad: Martin Luther King Jr. Way – Korodhka cufnaanta deegaanka iyo ka saarida shuruudaha guryaha qiimahooda la awoodi karo**

1. 9 aag, xuduudeynta ka bedel **R-24-P-SO** (Degaanka Magaalada, 24 guri oo ekar kasta oo leh P-suffix [Shuruuda Dhismaha WH-P08 iyo WH-P09](#) iyo [Xeerka Degmada ee Gaarka ah SO-280](#)) una bedel **R-48-P-SO** (Degaanka Magaalada, 48 guri oo ekar kasta ah oo leh Shuruuda Dhismaha P-suffix ee WH-P08 iyo WH-P09 iyo Xeerka Degmada ee Gaarka ah SO-280); wuxuuna meesha ka saarayaa Shuruuda Dhismaha ee P-suffix WH-P08.
2. 4 aag, xuduudeynta ka bedel **R-24-P** (Degaanka Magaalada, 24 guri oo ekar kasta ah oo leh P-suffix [Shuruuda Dhismaha WH-P08 iyo WH-P08](#)) una bedel **R-48** (Degaanka Magaalada, 48 guri oo ekar kasta ah wuxuuna meesha ka saarayaa [Shuruuda Dhismaha ee P-suffix WH-P08](#)).

**Waxka bedelka Khariidadda ee 4aad: Skyway Park – Ballaarinta Nidaamka Meelaha Bannaan ee Skyway-West Hill**

Beddelkaani waxa uu bedelayaa Qoondoynta isticmaalka dhulka ee Qorshaha Guud wuxuu ka soo bedelayaa **Aagga Deganaanshaha Magaalada, Aagga Magaalada ee Deganaanshihiisu Dhexdhexaadka ah iyo Aagga Magaalada Deganaanshihiisu Sareeyo, wuxuuna u bedelayaa Nidaamka Meelaha Bannaan ee Degmada King County** ee aagagga ku xiga Skyway Park iyo Degmada Ganacsiga ee Skyway. Aaggagan waa la lahaa ama si firfircoon ayaa loo isticmaalayay (la filayo in lagu dhammaystiro gudbinta wax ka bedelka khariidadda la soo jeediyay) ee ay soo jeedisay Waaxda Khayraadka Dabiiciga ah iyo Beeraha ee Degmada King County si loogu daro Nidaamka Jardiinooyinka iyo Meelaha Bannaan ee Degmada King County. Wax ka beddelkaani wuxuu muujinayaa isticmaalka muddada dheer ee aagagga loogu talagalay jardiinooyinka, madadaalada, ama meelaha bannaan.

## Sharaxaada luqadda fudud ah ee ereyada lagu isticmaalo qorshayaasha xaafad hoosaadka iyo wax ka beddelka khariidada

Ereyada Guud
<b>Guryo qiimahooda la awoodi karo</b> macneheedu waa guryo kharashkoodu ka badan 30% ee dakhliga billaha ah ee qoyska.
<b>Ku-darista</b> macneheedu waa geedi-socodka ee aag Degmo ee aan la wadaagin lagugu darayo soohdinta magaalo kale.
<b>Dakhliga Dhexdhexaadka ah ee Aagga</b> waxaa loola jeedaa dakhliga qoyska ee dhexdhexaadka ee qoysaska gobolka. Kani waa cabbir federaalka uu u isticmaalo in lagu go'aamiyo helitaanka adeegyada.
<b>BIPOC</b> waxaa loola jeedaa madow, dadka asaliga ah, iyo dadka kale ee midabka leh.
<b>Liiska Baahiyaha Bulshada</b> waxaa loola jeedaa liiska bulshada ay samaysay ee ka kooban adeegyada, barnaamijyada iyo mashaariicda horumarinta raasamaalka ee taageera hadafka bulshada ee deegaankooda.
<b>Qorshaha Aagga Adeegga Bulshada (CSA)</b> waxaa loola jeedaa qorshe 20 sano ah kaas oo ka hadlaya mawduucyo badan oo la xiriira maareynta kobaca ee aag juqraafi ah. Qorshayaasha Xaafad Hoosaadka waxa ka mid ah oraahda hadafka bulshada iyo siyaasadaha xaafadaha gaarka u ah ee hagaya go'aamada 20-ka sano ee soo socda. Qorshayaashani waa qayb ka yihiin, oo ay diiradda saaraan, Qorshaha Guud ee Degmada. Waxa jira aag juqraafiyeed oo loogu talagalay qorshaynta CSA oo lix miyi ah, shana magaalo ah.
<b>Oraahda Hadafka Bulshada</b> waxay qayb ka yihiin qorshaha xaafad hoosaadka waxayna qeexaysaa xaaladda mustaqbalka ee bulshada kadib marka la dhaqan geliyo mabaadiida hagaya, siyaasadaha, iyo isticmaalka iyo xuduudeynta dhulka ee qorshaha xaafad hoosaadka.
<b>Qorshaha Guud (Comprehensive Plan)</b> waxaa loola jeedaa qorshaha fog ee degmada ee loogu talagalay maareynta kobaca dadweynaha mustaqbalka. Waxay ka hadlaysaa isticmaalka dhulka, guriyeynta, gaadiidka, adeegyada guryaha, tas-hiilaadka raasumaalka ah, iyo walxaha kale, ee waafaqsan sharciga gobolka. Qorshayaasha Xaafad Hoosaadka CSA waxay qayb ka yihiin Qorshaha Guud.
<b>Barnaamijyada Dhiirrigelinta Cufnaanta</b> waxaa loola jeedaa barnaamijyada u oggolaanaya mashaariicda dhismaha inay helaan guryo badan ama boosas shaqo oo badan iyagoo bedelkooda dhiibaya nooc ka mid ah gunnooyinka dadweynaha, sida guryo qiimahooda la awoodi karo ama ilaalinta meelaha bannaan.

<b>Ereyada Guud</b>
<b>Cufnaan</b> waxaa loola jeedaa tirada dhismayaasha ee ku yaal aag juqraafi. Cufnaan waxaa inta badan loo isticmaalaa inay tahay tirada guryaha ku yaala cabir dhul ah.
<b>Waxyaabaha Go'aamiya Sinnaanta</b> waxaa loola jeedaa xaaladaha jireed iyo bulsho ee aagga ka jira kuwaas oo ay dadku ku dhasheen, ku nool yihiin, kuna shaqeeyaan. Waxaana ka mid ah helitaanka adeegyada horumarinta carruurta, shaqo iyo tababar shaqo, cunto caafimaad leh, jardiinooyin iyo meelo bannaan, badbaadada dadweynaha, iyo in kale oo badan.
<b>Xeerarka Dhismayaasha</b> waxaa loola jeedaa sharciyada deegaanka lagu ansixiyay ee loogu talagalay xuduudeynta, heerarka dhismayaasha iyo wax dhisida, ilaalinta deegaanka, xaafad-hoosaadyada, iyo in kale oo badan. Xeerarka dhismayaasha waa inay la jaanqaadaan siyaasadaha ku jira Qorshaha Guud iyo qorshayaasha xaafaad hoosaadka.
<b>Barakac</b> waxaa loola jeedaa in dadka deegaanka ah ama meheradaha hadda jira si aan ikhtiyaari ahayn looga guuriyo gurigooda ama goobtooda ganacsiga. Barakaca waxa uu ku imaan karaa koror xagga kharashaadka ama ijaarka ah, ka saarista guryaha, iibka guryaha, ama sababo kale.
<b>Guri La Dego</b> waxaa loola jeedaa guri leh hal qol ama in ka badan oo qofku ku noolaan karo, waxaana badanaa ku yaala jiko iyo musqulo gaar ah ama la wadaago.
<b>Horumar loo siman yahay</b> waa marka tayada natiijooyinka nolosha ay si siman u helaan dadka isla markaa ku nool kana shaqeeya xaafadda, iyo sidoo kale dadka cusub ee soo degaya xaafada. Ariimahaan waxaa inta badan ka mid ah diiradda saarista mashaariicda guud iyo kuwa gaarka ah, adeegyada, iyo barnaamijyada ka shaqeeya baahiyaha dadka aan si ku filan loogu adeegin.
<b>Barakicin Dhaqaale</b> waa marka ay dad dakhligoodu sarreeyo oo dib u hagaajinaya ama dhisanaya guryo cusub iyo ganacsiyo cusub ay ku soo qulqulaan xaafad taariikhi ahaan iska tabar yarayd iyo/ama maal-gashi badan aanan ka jirin, taasina waxay sababi kartaa barakac.
<b>Xeerka Maareynta Kobaca</b> waxaa loola jeedaa sharciga gobolka lagu hoos abuuro qorshayaasha xaafadaha hoose iyo qorshayaasha guud, iyo fulinta shuruucda horumarinta, si loo qorsheeyo koritaanka dadweynaha ee mustaqbalka.
<b>Mabaadi'da Hagaya</b> waa oraahyo/bayaano diiradda saaraya yoolka kuwaas oo gacan ka geysanaya qeexida Bayaanka Hadafka Bulshada ee qorshaha xaafad hoosaadka. Caadi ahaan waa kuwo mustaqbalka diiradda saara waxayna qeexaan sida siyaasadaha qorshaha xaafad hoosaadka ay tahay in loo fahmo loona hirgeliyo.

<b>Ereyada Guud</b>
<b>Xuduudeynta Loo Wada Dhan Yahay</b> waxaa loola jeedaa xeelado kala duwan oo gacan ka geysta dhisidda guryo qiimahooda la awoodi karo oo qayb ka ah mashaariicda dhisida guryaha sicirka suuqa jooga. Waxaana badanaa ku jira dhiirigelin, sida gunnooyinka cufnaanta, oo lagu bedelanayo dhisidda guryo qiimahooda la awoodi karo.
<b>Xaafadaha Ku Yaala Xaduudaha</b> waxaa loola jeedaa dhul ku yaala soohdinta magaalada.
<b>Guryaha Xaafadaha Cufnaanta Dhexdhexaadka ah</b> leh waxaa loola jeedaa guryaha laba dabaqlaha ah, guryaha magaalada, iyo dhismayaasha abaartimentiyada yaryar kuwaas oo ah laba dabaq camal ah. Waxaan ku jirin guryaha halka qoys dega iyo dhismayaasha abaartimentiyada waaweyn leh.
<b>Dhismooyinka Isticmaalkooda Isku-dhafka ah</b> waxaa loola jeedaa dhismayaasha ka kooban goobo ganacsi iyo guryo la dego labadaba. Tusaalo caadi ah wuxuu noqon karaa dhismo leh bakhaaro tafaariiqeed oo ku yaala dabaqa hoose iyo abaartimentiyada la dego oo ku yaala dabaqyada sare.
<b>Aag Suurtagal Tahay in Kudarsasho Lagu Sameeyo</b> waxaa loola jeedaa dhul magaalada oo aan la wadaagin oo xiriir la leh magaalada mustaqbalka lagu dari karo.
<b>Dhismo Diiradda Lagu Saarayo Gaadiidka</b> waxaa loola jeedaa dhisidda guryo cusub oo ku yaalla agagaarka adeegyada gaadiidka dadweynaha.
<b>Aagagga aan Ka Wadaagin</b> waxaa loola jeedaa dhul ku jira maamulka degmada lakin aan ku dhex oolin xuduudka magaalada.
<b>Aagga Kobaca Magaalada</b> waxaa loola jeedaa goobta lagu qeexay Qorshayaasha Guud halkaas oo inta ugu badan ee guryaha mustaqbalka lagu dhisi doono laguna abuuri doono shaqooyin. Tani waxay ilaalinaysaa meelaha bannaan iyo dhulalka beeraha iyo kaynta ah.
<b>Adeegyada iyo Taashiilaadka Magaalada</b> waxaa ka mid ah nidaamyada bullaacadaha iyo biyaha, adeegyada bixinta biyaha, tamarta, isgaarsiinta, adeegyada badbaadada dadweynaha iyo xaaladaha degdegga ah, dugsiyada, maktabadaha, iyo in kale oo badan.

### Ereyada la xiriira Isticmaalka Dhulka iyo Xuduudeynta

Xarun waxaa loola jeedaa aag lagu aqoonsaday qorshe maxalli ah ama qorshe gobol halkaas oo diiradda lagu saari doono guryo badan iyo shaqooyin, iyo sidoo kale meelaha diirada lagu saari karo maalgelinta dadweynaha, mashaariicda, adeegyada, iyo barnaamijyada. Degmada oo dhan, waxaa ka jira xarumo *goboleed* iyo kuwo *maxalli ah*, laga bilaabo 2021, waxaa jiri doona xarumo maxalli ah oo laga aqoonsan yahay *gobolka oo dhan*.

Qorshaha Guud waxa ku jira dhawr nooc oo xarumaha *deegaanka ah* – xarun hawleed aan la wadaagin, xarunta ganacsiga gobolka, xarunta ganacsiga bulshada, xarunta xaafadda, iyo xarunta xaafadaha miyiga. Xarumaha gobolka loo aqoonsaday inta badan waxay ku yaalaan nooca aagagga iyo dhismooyinka ka jira aagga, waxayna abuuraan meelo mustaqbalka loo isticmaali karo kobaca magaalada.

Xarumaha *maxalliga ah* ee lagu tilmaamay Qorshaha Guud waxaa ka mid ah:

- Xarumaha warshadaha iyo ganacsiga ee cufnaanta sare leh, iyo aagagga guryaha cufnaanta sare leh, ayaa lagu sifeeyay inay yihiin **xarumo waxqabad oo aan la wadaagin** waxaana loogu talagalay inay noqdaan goobaha aasaasiga ah ee gobolka ee lagu samayn lahaa horumarinta ganacsiyada noocan ah.
- Goobaha cufnaanta dhexdhexaadka ah leh iyo inta badan xarumaha tafaariiqleyda waxaa loo yaqaanaa **xarumaha ganacsiga bulshada**.
- Xarumaha yaryar oo maxalliga ah oo inta badan lagu iibiyo alaabada iyo adeegyada ay u baahan yihiin dadka deegaanka ayaa loo yaqaanaa **xarumaha ganacsiga xaafadaha**.

Sababo la xiriira cufnaanta jirta, dhismooyinka isticmaalkooda isku dhafan, iyo aagagga, **White Center** ee bartamaha magaalada North Highline ayaa hadda ah Xarunta Waxqabadka ee Aan La Wadaagin ee *maxalliga ah* (UAC). **Degmada Ganacsiga ee Skyway** iyo nawaaxigeeda ayaa la soo jeediyay inay noqdaan UAC si diirada loogu saaro hawlaha dhismooyinka guryaha iyo ganacsi ee bulshada ku dhaqan aaggan. Labadaba waxaa sidoo kale loo tixgalinayaa in loogu magacdaro *Xarumaha Degmada* si loogu ogolaado inay u tartamaan maalgelinta gaadiidka gobolka oo dhan ah.



**Ereyada la xiriira Isticmaalka Dhulka iyo Xuduudeynta**

**Khariidadda Isticmaalka Dhulka** ee Qorshaha Guud waxa ay faraysaa in qoondeynta rasmiga ah ee isticmaalka dhulka lagu dabaqo dhammaan guryaha aan la wadaagin ee Degmada King. Tilmaamaha isticmaalka dhulka ayaa qeexaya goobta guud iyo xadka isticmaalka dhulka ee la ogol yahay. Tilmaamahaan waxaa ka mid ah: xarun waxqabadka ee aan la wadaagin, dhismooyinka qorshaysan ee magaalada, xarunta ganacsiga bulshada, ganacsiyada bannaanka xarumaha ah, xarunta ganacsiga xaafadda, meelaha aadka looga degan yahay magaalada, meelaha sida dhexdhexaadka ah looga degan yahay magaalada, meelaha aan aadka looga deganayn magaalada, dhulka miyiga, magaalooyinka miyiga, xarumaha ganacsiga ee xaafadaha miyiga, beeraha, kaynta, qoditaanka macdanta, nidaamka meelaha bannaan ee degmada King County, kala saaraha aagga keymha/magaalooyinka, jardiinooyinka/keymaha kale, iyo goobaha warshadaha.

**Halbeegga Dhismo ee Gaarka u ah Dhismooyinka** waxaa loola jeedaa waa shuruudo ka baxsan shuruudaha ugu yar ee xeerka xuduudeynta kuwaas oo khuseeya hal ama in ka badan oo guryo ah. Xeerarkan waxay xaddidaya isticmaalka guriga ama waxay abuurayaan heerar dheeraad ah si loo ansixiyo oggolaanshaha.

**Xeerarka Degmada ee Gaarka ah** waxay oggolaadaan isticmaalka kala duwan ee dhulka waxayna heerarka dhismooyinka uga baahdaan shuruudaha ugu yar ee xeerka xuduudeynta waxaana inta badan lagu dabaqaa tiro badan oo dhismooyin ah. Waxayna balaariyaan ama wax ka beddelaan isticmaalka caadiga ah iyo/ama heerka oggolaanshaha ee xeerka xuduudeynta. Xeerarkan waxaa badanaa lagu sameeyaa oo lagu soo jeediyaa iyada oo loo marayo geedi-socodyada qorshaynta ee waaweyn, sida qorshayaasha xaafad hoosaadka.

**Xuduudeynta** sida ku jirta Xeerka Degmada King County, Ciwaanka/Title 21A, ayaa qeexaya baaxadda isticmaalka dhulka iyo hawlaha dhammaan guryaha aan la wadaagin ee Degmada King County. Kala soocida aaggaga waxay fulisaa khariidadaha Isticmaalka Dhulka, waxaana ka mid ah: beeraha, kaynta, dhulka macdanta, dhulka miyiga, kaydka magaalooyinka, deegaanka magaalada, ganacsiga xaafadaha, ganacsiga bulshada, ganacsiga gobolka, xafiisyada, iyo warshadaha. Qaar badan oo ka mid ah aagaggani waxay leeyihiin qayb-hoosaadyo tilmaamaya cufnaanta guryaha ee loo oggol yahay aaggaas. Tusaale ahaan, aagga la deggan yahay ee magaaladu waxay leedahay siddeed qayb-hoosaadyo oo u dhexeeya R-1 (1 guri oo la oggol yahay halkii ekarba) ilaa R-48 (48 guri ayaa loo oggol yahay halkii ekar).

### **Xigashooyinka:**

- Websaydhka Waaxda Adeegyada Maxaliga ah ee Degmada King County, la galay 11/6/2021
- Qorshaha Guud ee Degmada King County, Qaamuuska, 7/2020 la dhaqan geliyey
- Xeerka Degmada King County 2.10.020, Qeexitaannada Waxqabadka, Maaraynta iyo La Xisaabtanka, la galay 11/6/2021
- Xeerka Degmada King County Cinwaanka/Title 21A, waxa la galay 11/6/2021
- Warbixinta Xeeladaha Ka-hortagga Barakaca Skyway-West Hill iyo North Highline ee Degmada King County, la gudbiyay 9/2021
- HADAFKA Golaha Gobolka ee Puget Sound 2050, Qaamuuska, 10/2020 la dhaqan geliyey
- Hindisaha Horumarinta Sinnaanta ee Magaalada Seattle, la galay 11/6/201
- Merriam Webster Online, la galay 11/6/2021